

彭東瀾先生遺稿

久以不文為文者矣惟重
于文而後可以言不朽
不朽當求之遺稿之外可與

省

萬曆庚戌春中院集

五言後學孫之藻題

文江公署



東瀧遺稿序

予友東瀧彭先生既捐館從子禮部郎中桓輯其遺
詩文若干篇手錄成帙將刻梓以傳而請序于予予
輟涕終讀為之悽然掩卷以悲曰先生之文固止此
哉蓋先生始以經學魁天下名翰林高才博識肆為
豔溢奔放之辭襍文歌詩哀哀不竭及讀禮之餘日
就超詣則刊落華靡澡雪鉛黛益為簡潔峻絕出群
之作觀其志直欲追古作者故雖一時快意之文
所為瞬息信宿已自不瀟片紙斷墨不悉存錄今所

輯者僅十二三而止然知者於此亦可以觀矣先生
耿介明決每權衡人物論國家天下事慨然有以
大施于世使之遇盤根蕪重負必能振厲風節揚勲
業於無窮其於制作蓋畧見之矣顧為嫌忌所中病
疾所困年僅踰四十官不過六品編摩考校之外無
繇自試所恃以不朽者惟文耳而文又弗盡其蘊則
世之知先生者豈非僅得其粗也哉且自唐宋以來
狀元之選特為隆重考德校業良亦難乎其人如先
生者名實相副而卒止此大夫一

無問識不識皆為悼歎不能置然則天下固知其人
而况其文乎文之傳者以人不以官先生之文宜不
待科第而後顯官不暇論也先生子彬蚤夭從子渠
為之後桓及南京刑部郎中杰皆以家學繼舉進士
遺文實於是乎傳先生其可以少瞑矣夫子辱先生
榜末固嘗為天下慟之託名斯文宜不復置亦以附
徐君心許之義云爾先生諱教字敷五吉水人東瀛
其所自號天順甲寅狀元官至翰林侍講文 散於
四方者尚多然其有續焉

弘治戊午十二月二十五日

資善大夫太子少保禮部尚書兼文淵閣大學士長沙

李東陽序

附錄

故翰林侍講彭先生行實

敷五諱教姓彭氏別號東瀧吉水瀧江人其先有諱
師旦者析自永豐之沙溪以詩禮聞宋時科第尤盛
宣和間有諱識者仕為高州助教其弟浩然登進士
為洪州察推察推子叔亮兩貢為茶陵丞叔度四貢
為建昌丞一時父子兄弟連續而仕鄉人榮之入元
於無仕者敷五曾祖于古隱德弗耀祖不同日號瀧
濱

國初以碩學教授于鄉父汝弼由永樂庚子鄉薦歷
春句容祁門訓導雅寧教諭雅寧士子立像于學
宮

封翰林修撰號澹軒有澹軒遺稿藏于家嘗校文于蜀取
尚書周洪謨為首解有盛名毋項氏同里帶源舊族
女

封安人敷五生祁門學中自幼穎異莊重未能言時澹軒
指以齋堂題額字即能歷指以復雖百試之不差四
五歲口授古文詩詞輒成誦或時提之書輒能掣筆

自書不爽戲為五七言詩各成韻語可觀素不愛華藻有以弊衣履誚之者隨以未足與議為對長老為之駭然八歲以澹軒祁門泐考之京受讀于兄所日記二千餘言必大義通析乃止十歲從澹軒教諭晁寧始習舉子業少暇輒取通鑑綱目觀之觀之會意處竟日不釋卷然亦不貪多也邑大夫及巡使至學每以詩對課之亦時有警拔句十二三舉業詩賦俱有聲淮守丘君陵特重之薦之故天官卿崔公恭蓋是時崔公布政江西遂俾為吉安府學弟子負時名

方十七也吉守今南京秋官亞卿張公瑄特加禮
凡束脩廩餼一皆公焉資之教授鄭先生綱祖猶已
子與故翰林修撰一峰羅君應魁今四川憲副畏菴
周君可大為忘年交恒相戒飭曰士須以聖賢之學
自期待科舉進取其末也用是益造詣以基遠大天
順己卯舉江西鄉試第一癸未會試中第二經義論
策多刺以傳甲申

廷試

賜進士及第一授翰林修撰陞承務郎預修

英宗睿皇帝實錄凡所著述視衆居多成化丁亥滿三載
賜敕階儒林郎

封父澹軒如其官母妻俱安人是歲八月實錄成陞侍誦
階承直郎有白金文綺之

賜戊子六月丁外艱辛卯起復壬辰同考禮部會試所得
多名士九月復以內艱去凡兩起復職任俱如故丁
酉奉

命主考順天鄉試禁奸抑倖一罄厥心己亥三月是侍
經筵時兵部奏

請續清武職黃翰林以例用一八屬數五數五以有疾得
辭蓋數五至是疾且二年矣亦竟以是不救卒之
日是為庚子七月九日距生正統己未十月十一日
得年四十有二配西園張氏有賢德一子彬學無成
年十九卒先數五四年數五之疾大抵或由茲也
今擬以兄之子渠為其後嗚呼痛哉數五通敏有識
凡問學理道諸所見初若與人同而其穎脫超邁大
非庸衆所及下筆為文辭操縱翕闔不局於法而旁
諭曲證奇氣逸發譬之蛟騰豹躍急縛之有未能者

而其間渾厚典則自足起人敬慕與議論則遠而書
契之所紀近而軀傳之所及凡其地其人其事於前
失措而今當何如者一能為籌之如足履如目擊
然而其志其才則固有不為而足以有為者間嘗語
予曰吾於大任未敢必假令得一縣則雖甚繁劇吾
固敢期於有成觀此則敷五所蘊可知矣敷五性孝
友目入官無日不動桑梓念聞計哀毀屢絕非杖不
能興葬若祭一遵朱氏禮不為世俗道佛所誑雖甚
功以下喪服亦然始澹軒公葬時隣屋弗戒于火

世薄喪次甚迫乃倉皇移柩置私室頃之喪次蕩焉
人將迫教五撫柩號慟誓死不去已乃風迅火熄得
無恙而族隣二百餘家無寸椽存者平生無私蓄待
母兄極恭敬祿俸餘貲悉歸之其處伯叔昆季及宗
黨鄉戚率有分貧不能振者撫恤之恐後甲午春霜
殞蔬麥鄉邑饑且甚敷五作書當道勸其大興賑賑
貸之獲全活者甚衆里中山溪春夏湍悍弗能濟乃
傾行篋作舟渡之復為區畫土田以為贍渡經久費
兩涯植柳若干株以蔭待渡者仍欲作志柳間為記

雨備名以一橫未果溪旁一流有潏潭名蒲瀧潭
下有灘潭上有厓奇石森立兩、相負俯于龍岩之
側者名瑞賢石每大比之年石有色如霞彩下映水
中鄉人謂之掛彩則是歲鄉士必有捷魁者自歐陽
公連魁于隨亦然數五欲為耒耜之言於郡守得立
瑞賢亭又欲刻石亭中紀宋元以來科第之發于茲
者與凡欲之義學以訓卿之後進俱未果至是竟卒
嗚呼天降割於吾教之若是酷耶數之所為詩文洎
讀一十應

制

信若千考蓋數五於人信可許其詩又亦不

其詩若文之

言未及數三之年也數五茲將歸葬于故丘厥兄崇

四謂當有銘以予嘗從數五後屬為行狀庸敢掇拾

所知如右以俟立言君子擇焉

成化庚子秋七月下泮

賜進士翰林修撰兼司經校書

經筵官新喻傅瀚狀

墓誌銘